

更

生

齋

集

更生齋詩續集卷六

陽湖洪亮吉著

丁卯元日

西蠡河外北江邊野爰歸田已八年修竹好花供過目  
幼孫弱子漸隨肩念拋骨肉依初地飫領煙霞作性天  
人不祝儂儂自祝著書飽食與安眠

元日早起

一城人未起先聽一城雞氣暖春禽集窗疎曙鵲啼念  
隨花漏轉肩與玉梅齊疏嬾應成慣休嫌禮數稽

村西

東生集詩卷之一  
十一  
村西枯竹林枝節一何短枉拋造化心條條學蟲篆學篆不已學草書天然之妙旭不如東風朝朝雨夜夜已有驚蛇出其下

早春試筆

沿門爆竹響如雷元日柴門嬾不開舊友祇餘梁上燕  
關心海外未歸來

沿坊走卒遞飛箋主客應知尙晏眠五十年來風俗改  
何人剝粉到門前余童時見賀新正者皆剝粉書門後  
漸易以徑寸紅紙今則又有箋到人  
不到者矣

索逋完後索詩筒頗怯門前車門風欲築一樓高萬仞  
紅塵不到綠窗中

游戲人間却幾時已拋竹馬付諸兒  
宵來仍作少年夢  
誰說此翁雙鬢絲

西園獨酌

偶種一叢竹森森高復低  
高者及我肩低與兒孫齊  
竹  
今生孫我抱孫愛竹不出常  
局門兒行攜壺孫捧酸竹  
裏醉眠歸去嬾

偶開三尺澗引水西復東  
水泉縱無多暗與西蠡通  
冷  
冷春雨剛三日西漏魚從東  
澗出湖魚味美不思餐  
買  
艇送往湖之干

偶成一簣山山石皆特立  
峯形雖向背各各不相襲  
主  
以七尺峯三倍各具昂藏  
日相對昆侖山高上及天  
此

石小亦呼祁連

偶築樓五楹三面望朝旭一臺名曙華勢已高出屋平  
臺時醉酒百鍾笑語飄出城樓東浮圖傾欹異宮火郭

內三高祇餘我

客秋異宮樓燬于火

偶然作

我欽陶靖節不僅作詩人世外桃成障門前柳拂塵品  
非文苑傳夢有武陵春我亦能狂飲先留乞食身

我讀劉伶傳知非僅酒人祇求千日釀不染五胡塵物  
外尋知已朝端有伯仁傷心三日醒智已不周身

初三日曙華臺獨飲有懷亡友黃景仁馬鴻運諸人

春來夢不出春城未免寒梅滯客情雙澗急先分地瀉

一樓高欲與天爭難從泉下求三益欲向花前盡百觥  
且莫危言助狂飲更生居士本餘生

詠史

前祇三千年後有一萬祀若論後與前我尙中古世庶  
幾功德言不朽成盛事

日月光流地滄溟氣燭天四維相繫屬一氣本綿延不  
見冰輪內山河影亦偏

人頭戴鵲巢人足踏蟻穴人居禽蟲間智乃不如物如  
何一日中陰晴亦難別

金烏不知宵玉兔不知晝明明日月丸識尙有所囿何  
况一世人惛然昧前後

宰相不讀書或恐暗大義宰相果讀書爲害亦非細不見祖孝徵勸殺舅與弟

草呼趙簡子烏名春申君人亦做獸名龍豹犀麒麟彼此各相做人禽恐難分

古人不著書後世無則效古人書誤會福少禍先兆峩峩周官經義等謨與詰周公以爲治荆舒以爲暴

飛鳥共一天遊魚各分地湖魚欲入江已覺水波異何應一世人飲水昧水味

張竦不飲酒乃爲酒作箴淵明不知音乃撫無弦琴馬總于學淺忽復成意林始知明識人各別有會心

人以日爲晝鬼以晝爲夜曙雞啼一聲人鬼此分界誰

唱鮑家詩凌風碧桃謝

人日自京口至焦山

半林花半圭月半幅征帆趁潮出南譙山頭度人日刀  
鱉出水一尺長無韭可剪山誠荒

京口有懷張上舍崑崙仲暨及門于淵

人日爲今日神州是古州舊交三處住間歲一來遊地  
接元猿徑天圍白鷺洲無人與酬唱擊楫自中流

舟中讀漢書

凌物無妨卽殺身偶逢大度不生嗔淮陰年少無名姓  
青史惟傳勝下人

約束宮中及府中申屠嘉有古人風始知絳灌無真氣



東坡先生詩集卷六  
四  
不敢公然叱鄧通

渡江

多景樓前望晨光接翠微浪從潮上落雪雜雨中飛與  
雀分餘粒尋僧借補衣贊公房未啟先坐釣魚磯

古意

愚公欲移山何不倩巨靈——手擘之事簡用力輕窵  
禽欲填海當與麻姑商輕身——經過東海塵已揚奈何  
二者用心苦縱有苦心功不補山形益高海益深何不  
與彼同浮沉上既嗤愚公下亦憐窵禽長爪與巨蹠庶  
幾知我心素娥倘奔日晝景當清涼金烏倘入月老桂  
添深黃奈何織女星不列北斗旁七月七日中就便挹

酒漿足知日月星位置仍可商天如蓮房星作實顆顆  
星從房內出東烏西兔何太忙北斗南箕莫相失

不學仙入冢中冢纍纍今古同學仙歸亦棲華表墟墓  
之間樂事少白楊風悲接青草

佛法入中國添得千浮圖此法亦復佳眺覽懷抱舒不  
知九層臺高于七級塔懷清章華並接雲中國此時無  
佛法

人日泊舟江口

探春須及早春辰遊戲年來任性真身後名皆讓餘子  
酒中仙欲奪前人命騷詎可同奴僕對客何妨暫主臣  
靈漾滿船誰肯餉更從雲外買清尊

春雨謠

雨落地天難收雲出岫山不留山雲雖出行復返雨入  
土中難更挽不辭作雨潤土膏一尺禾黍門前高爲雲  
最逸爲雨勞昨宵一雨生意饒農喜叱犢歸東臯更望  
雨腳移西郊

門前雨屋後牛能使汝田歲有收田中收十斛飼牛亦  
用粟行雨龍來澗中宿

憇松寥閣追悼亡友鮑戶部之鍾

猶存寄妹大雷札忽讀哭兄寒食詩

君令妹芭香工詩其寒食一律哭兄

尤佳出塞冰霜憐我老過江風日悼君遲齊名里有王朝

散謂王太傳世才同江總持七度贊公房內宿吾衰先

守文治

已鬢添絲

寸草園圖爲張司馬鉉作

西蠡北江間我亦有親舍感君事母誠築室北山下日  
扶母杖來憇此松樹根涕唾不敢褻觀以春苔溫感君  
事母能盡心窗外孝筍先成林一花一草不敢觸却爲  
曾經老人目披圖花好酒亦醑所恨不及親常存君不  
見圖窮我亦淚難止鮮民之生不如死

海雲菴古梅歌

海雲菴中梅榦奇虬枝一東復一西看花不必待花放  
闕此老榦心先怡一枝北出尤倔強離樹公然及三丈  
回頭忽復思本根復拗怒榦歸梅身餘枝四出根不管

草聖居然學懸腕，乾干山雀立不牢。風力盡從枝上幹，

自然菴中梅已蛻。兩樹竹樓堪晤對，

海門菴亦有古梅數樹

算來

總遜此幹奇。獨出應知寡，流輩迎門一枝牙。爪全我來

幾欲飽老拳。幹奇花亦饒，古意一朶一朶如星圓。此來

看梅復看雪，

時有雪意

穩住山中欲三日。鐘魚夜半眠不安

呵凍來看北枝月。

戴文學綺屬題采木圖

飲海心難足，攜筇更采山。幾時靈藥就，昨歲敬亭還。酒

面紅難浣，虬須白欲刪。前身疑李耳，跨犢入函關。

茱萸灣圖爲海峯僧題

茱萸灣中我昔遊，中有活鯉三千頭。畫師畫水不畫鯉。

祇覺赤醖隨波流披圖悼歎東流水瘦雀臞僧已先死  
謂慧超長生惟有赤鯉魚春雨飛入漕河渠

月波臺有懷巨公方丈

山僧與鹿皆朝飢山僧苦瘦鹿苦肥鹿頑不復受拘束  
時向山僧榻前宿山僧遠出久不還時復糧絕無朝餐  
我勸山僧歸及早山僧歸來鹿應飽

初十日憇松寥閣郭明經錡從京口載酒過訪喜而有  
作并悼令叔舍人塋

前日送君返今日期君來君家愛客誰可及分日醉我  
流霞杯尊前檢點二三子臣叔不癡偏欲死看松苦憶  
松下人七尺昂藏亦如此

年前與舍人久憇定慧寺古松下

東下江聲

誓不停草堂人日感重經  
人日泊舟江口方得舍人亡耗  
前路定有沿門鬼火青  
應知綠蓋樓

張司馬鉉屬題黃山圖

石盡成雲樣山兼得海名  
化人煙外立毛女樹頭行  
獨安心服丹砂浴骨輕  
天都誰伴我黃帝與容成

巨公厓

盤空無路著芒屨一尺青  
苔險被埋好置石臺三十級  
凌風直到巨公厓  
巨公開西厓而不置石級殊爲缺事今屬補之

金山妙高臺看落日兼謁蘇文忠公畫像

妙高臺上望落日大如盤  
公去一千載我來端正看  
星明因月淡地小覺天寬  
盥手禮遺像泠泠江水寒

枕江樓望北固山

枕江樓上八窗開  
正對南譙百尺臺  
一色水光平十里  
白鷗飛去不飛回

曲折坡塘宛轉汀  
吳姬十五已揚舡  
居然北固春光好  
甘露寺門楊柳青

題金山映月樓壁

最憐大地如拳小  
却喜長江似掌平  
閒向最高亭上望  
鷗茲笑我半天行

海西菴讀亡友郭舍人舊作感賦一首

憶共僧房醉幾場  
哭君應亦在僧房  
才名死配鮑孤雁  
鮑戶部君飲啖  
兼數人  
食料生追李萬羊  
九子峯頭雲未莫  
八



公洞口月荒涼

君蹤迹皆  
在江南

惟應更約難兄弟

君六七兩  
弟皆能詩

閒向空江奠一觴

愛客

愛客華軒特地開  
帳描芍藥被玫瑰  
都應六曲屏風艷  
春夢爭從枕上堆

哭座師朱大興相國

身繫安危二十年  
惜猶癖佛癖神仙  
都應世望儒臣厚

轉使人疑學術偏  
事尙疚心先告客  
言因造膝易回天

三朝耆舊三文正

諸城相國暨公諡文正皆係  
特旨至湯睢州之文正

則乾隆中  
所補諡也

論定均無愧昔賢

何幸同趨

內直班

余與公同  
直上書房

迂疎福命本來慳  
狂言

請削門生籍諧語仍回

聖主顏

余不隨部議論  
死實出於

特恩然亦公  
回天之力也尙恐此行成永訣

頻行遣公子錫經遠送  
并諳諳以畱此身有待

爲屬豈知謫吏竟先還料公泉下應相待九死孤臣鬢已

斑

江干

江干忽值日邊槎報客沙堤更築沙老輩漸同霜後葉  
殘年多似雨中花憶公天上騎箕尾留我田間閱歲華  
莫更傷心唵薤露得閒且自課桑麻

孫兵備星衍購虎阜園亭爲孫武子建祠廿三日適值

落成偕同人放舟往謁并回飲白公祠作

共拙韻  
得孫字

一十三篇書幸成書成鄢郢氣先吞美人小試平生略

廉吏今爲幾世孫埋骨地猶徵越絕迎神曲欲過齊門  
吳王臺殿知何在且傍新祠酌一樽

理安寺訪寒石方丈兼與知客僧借月話舊

舊住梅花窟新監法雨泉萬松參色相一鉢證枯禪齋

閣春煙聚陰厓宿火然客寮談事罷飛瀑夢中懸

借月會同

遊天台  
石梁

廿五日抵西湖卽晚放舟至南屏宿壑菴作

到來剛是夕陽天放艇遙遙破暝煙却向遠公樓上宿  
一湖春水落牀前

歲歲湖頭訪早春寒梅樹樹繞吟身憑誰轉向天公乞  
署我升平一幸人

曉自西天目中院陟三條嶺

筍輿穿松林飛瀑醒殘夢過谿聲乍歇春夢復分送飄

然三萬里

與中忽夢天山下萬松壑

夢壓筍輿重稍稍曙鴉集山鵲

聲亦衆朝曙光未透殘月影仍弄空中盤一綫萬木撼天動却感山神心裁雲作長衞

抵禪源寺宿復徧厯洗眼泉衆香精舍諸勝

陰厓疏地肺陽井湛天目信知天地蘊端在山水腹森然三万丈古亦號浮玉雙谿出巖罅四郡彙山麓雲生無定向隨意與風觸尤欣盈寸雨潤此十圍木幽人棲宿處山館翠重複百卉尙未萌欣看早春綠

獅子厓塔院望千丈厓并積雪

厓左近皆祖師塔院

東厓望西厓天外一峯出春花背面開怯此厓際雪草  
根青未轉寒意沁山骨松杉千百樹雪上挺孤孑僧房  
三面做清磬一聲揭方烹山叟菜時有腹疾知客僧普  
永餉薑作羹始稍愈  
已損河魚疾古人無不死理自歸寂滅不見纍纍邱都  
標祖師碣

由開山殿下嶺至西方菴久愁

石石破空出盡向雲頭伸危欄百尺完奇石猛攫人石  
腹裂丈餘天與人界分稜稜雪霰寒此獨餘古春猿猱  
竄無蹤遺果若墮薪枯僧采盈筐客過藉以陳勞蹤暫  
欲眠跨下雲忽生山泉抑何甘經時口生津

山行雜詩

柴門石罅開禽語破岑寂聊駐萬年藤驚看一房雪  
閒吟過竹橋果向靜中墮豈知厓上猿窺人竹邊過  
奇石逢奇客從風亦盪搖甯知百年外人共石岩巖  
洗心我亦能何況僅洗眼欲洗雙青瞳先愁讀書嬾

師從竹嶺來曾陪蒜山客蒜山客亦奇前年我曾識

僧普

永前年曾陪京江張司馬鉉到此

吟詩與山鵲山鵲未知音只有溪流好詩成夏響琴

二月朔日發禪源寺

石佛菴邊蚤束裝記程明日到餘杭道旁古樹垂垂老  
天上浮雲故故忙頻有冷泉蘇酒叻肯教閒事入詩腸  
兩朝耆舊君知否不願人推陸與楊

時有以陸放翁楊誠齋相擬者故戲

及之

臨安道中懷古

衣錦營邊蚤日暉，客行三面嶺崔巍。  
試觀逝水滔滔下，不礙看花緩緩歸。  
履險程途容夢過，偏安事業與心違。  
滄桑陵谷都如此，莫聽猿啼淚暗揮。

自禪源寺至中院道中

尋山無意別尋芳，時覺籃輿逗古香。  
看盡梅花一千樹，於潛山縣到餘杭。

柳杉無數據山巔，松柏參差僅及肩。  
願作人間不才木，

心空先已壽千年。

柳杉惟天目最多，有至十餘抱者，以心空不適用，故得常存。

若溪溪水綠如油，萬澗居然集一流。  
若到滄溟更回首，

天源池在海西頭

南屏日昨放輕舸淺醉湖樓酒百瓢清夢尙須分兩地  
西溪梅樹半山桃

護龍嶺望東天目作

夢度溪頭嶺襟開樹杪煙欲觀天左目頻聳客前肩揀  
歷新春過看花古路偏年年當此日皆在客途邊

夜宿青山鎮

過盡柔桑陌上亭酒旗招我我方醒青山何苦忙如此  
送客勞勞不暫停

官清縱乏於潛絹縣小猶分安邑肝贏得道旁人聚聽

燭花影裏說長安

時逆旅中值於潛令蔣君光弼話舊至夜半



方竹杖歌報謝西湖僧小顛

上人贈我方竹竿森森八尺白玉寒削之爲杖無不可

一贈枯僧一貽我

以一竿贈理安寺方丈寒石

因之我憶元道州甯

方爲皂圓則羞胥原樂郤等倫耳未願万户居通僭君  
不見曲如鉤直如弦我甯纍纍死道邊又不見圓爲卿  
方作皂我願儀儀作官導主人與杖有夙緣慙直那復  
知其然苔封蘚蝕性所喜詎要天上蛟龍纏攜之南北  
隨所適杖壽千年主人百馬通縱作漢上公羊舌甯慙  
古遺直上人嗜酒我嗜書掩卷且急謀行沽上人醉死  
我倘弔方竹杖頭酒一壺噫吁嘻七尺身一尋竹早共  
出遊宵共宿他時杖破削作牘紀事尙爲南董續

餘杭蚤行

曉日尙未出村村桑柘煙山行路高低所若希平田土  
女來何多均挈市楮錢一廟一瓣香前後禮拜虔自說  
神貺多山場屢豐年

續燕子樓詩爲某姬作

欲向雲谿上重營闕盼樓更憑雙燕翦斷一生愁玉  
貌辭金粉紅顏到白頭應知感恩妾端不負徐州

二月二日作

名山歷徧興飛騰風日融和得未曾獨有繁人清夢處

社公生日萬枝燈

吾鄉社  
火最甚

憶楊戶部芳燦兼東顧秀才翰

時奉太夫人諱寓  
居江甯中正街

中正街前君念我青冷江畔我思君舊交苦憶王琴德

死友驚聞方梓雲

人有傳方梓雲死者

九級未妨傳彼教

時居長干友人

有以浮圖九級考相贊者

五言誰可張吾軍故人<sub>有</sub>子真堪慰寄我

新篇已不羣

里中謠

羝羊羣吠犬獨牯牛兩兩行不速鴉鵲喜雨鵲喜晴白  
鷺趁鴨行前汀君不見東家女兒嫁比鄰鴉鵲一隊來  
迎親阿姊嫁遠方阿妹嫁宅邊回頭語阿妹父母心何  
偏遠行三年始一歸阿妹日日趨親闈君不見姊行甯  
知妹心苦姊塔讀書儂塔估

縣隸來狗夜吠一巷人家夜齊起隸行欲殺雞不管雞

能啼隸行欲索肉不管母豬兒在腹隸洵洵捶阿公阿  
婆旋轉門闌中隸行飽餐錢飽棗縣隸出門家夜哭

菜花黃韭花白黃白斜鋪繞君宅菜行作羹韭作壘屋  
外山果仍離離阿姊餉新蠶阿嬢繅舊綫阿妹采桑愁  
客見却把桑條半遮面

度鶯脰湖至八尺鎮

南潯酒未斟平望魚堪食春事已三分歸途纔八尺黃  
蜂未出紫燕稀胡蝶已向枝頭飛社公生辰啟新醞却  
喜百花生日近

與吳上舍蒸從孫烜同登雲巖寺塔望海

到海三百里浮圖六七層滄溟全在目日月竟同燈境

覺寰中窄心從物外激因攜兩年少清興益飛騰

戴上舍延介屬題宋文信國殘札

家亾國破死偏遲猶向邊隅乞濟師整頓乾坤待何日  
流離骨肉歎經時未趨西市心先定已敗空坑力不支  
我亦生平慕公者心香一瓣淚千絲

寒蠶墩謁外祖父母墓

黃花十里望中收兩水空明夾去洲酒向寒蠶墩上灑  
響從乾鵲樹邊浮存亾偶爾揮殘淚

余次子暨從子子  
婦皆埋骨于此與

外家墓  
咫尺

中外居然合一邱尙喜老夫腰脚健年年此日

定來遊

花朝日同人棹舟亭雅集至月上乃返

絕憶去年今日最憐似夢如塵又看四分春色依然十

五開人

同遊亦十五  
人與前歲同

桃樹千枝姍妮

時吳封翁端彝補  
種桃梅至百樹

玉蘭雙樹精神

玉蘭  
盛放

何妨夢得前度此是宗之後身

詩同杜甫漫興文學楊雄解嘲客夢忽來杯底征帆時

度花梢

玉局堂前語燕金閨亭外流鶯地喜四時皆勝天教十

日全晴

時適從  
吳門歸

過了社公生日百花生日方來半圭月浸新柳一陣風

吹綠苔

難得花開笑口愁他柳鎖眉頭一半埋憂地下

謂蔣立  
巷刺史

錢大令竹初父子  
徐向之太守諸人  
尙餘一半來遊

十五日近園看杏花兼飲得月軒作

杏花待春雨春雨久不來  
辛夷亦嫣然尙傍疎梅開  
客行不行滯杯酒已泊春船  
蠡河口酒酣乘興忽出門  
滿地月光隨客走

以著書漢瓦當硯贈涇川胡孝廉世琦兼繫以詩

故人垂老還耽書  
劖漢瓦硯爲蟾蜍  
故人書成硯堪寶

移贈玉堂人  
視草三十二字小篆工  
爲山友錢州  
伴坊所篆  
突過

鉉錯兼瑛公  
斯冰之後一人耳  
錢自鑄一印  
章曰斯冰之後  
直至小生  
此

語已輸張侍中  
北齊書張景仁  
傳景仁以侍書  
致位侍中  
封建安王  
故李百藥云  
自倉頡以來

入體取進  
一人而已  
叢編披殘兔  
豪退此硯稜稜  
更誰輩天荒地

老瓦獨全冷眼看人二千載

瓦當中有黃色如鉅黍絕似端溪鴟鵂眼

及門譚秀才正治注小爾雅成因繪洋山注雅圖乞題

### 爰跋其後

我耽六書老不衰耐慎雄揖籤常排及門習此亦幾半

魚魚雅雅真吾儕譚生長洋山腹獨嗜古音兼古讀

文章應世甯不工不使奇書混流俗人疑贗作無乃寃

漢世先已爭流傳

劉熙釋名等書已引小爾雅

閩吳越本盡譌陋我

借宋刊繩其愆山中百事皆能捨手訂此書仍手寫文

深人說錢少詹

少詹亦不盡信此書

武斷我譏丁小疋

見余六書轉注錄注

中南唐及此將千年君家化書留一編恐非此編不朽

業遠遜吾子蟲魚賤故人老已難箋雅

孫兵備注爾疋未成

勤學



多君侍親舍留傳家倘置一編或有精心過君者山窗

燈火三載同近復四載離山中煩生傳語同學呂

呂文學培

時將注五代史 亟注霸史匡歐公

哭莊上舍曾儀

蘆溝橋畔別多年

余遠戍時君與張吉士扶病送至蘆溝橋

握手欣看落木

邊

去歲九月君過訪與詣旗亭痛飲乃別

欲以苦心傳絕業難留癯骨證

飛仙生隨海燕成遷客

君無家可歸其卒也在崑山張氏

死惜江城少

墓田

君季父性乖戾不欲君埋骨先隴

老友哭君時最慘殘星明滅雨

綿延

哭張太守鳳枝

自經萬里鬢全霜垂老無家寄食忙

君自成所歸寄居弟宅弟之婦頗不

能承君宅在北門外最苦北門同永歎記隨西海看斜陽頡羹

事往仍餘恨銜紫魂來早斷腸君妾丹氏寄居姻家正

好哭君逢社日一樓燕翦月昏黃

溧陽道中

風光多在牛春時月正如圭柳若絲絕憶謝家樓上路

杏花撩亂燕差池

追悼同年李兵備廷敬

愛客時時約客遊十年黃浦五淹留余戊午年乞假歸

復四至君善彈琴海上成連操鼓琴泛月江邊太白舟甲子

日君特招余及同年吳祭酒錫麒中秋舊友升沉同雨散使

鄭侍御澄諸人至海口泛月竟夜君君蹤迹最風流茫茫一掬臨歧淚飄上吳淞百尺樓

舟至淺口半日不得行因閒步岸上作

秋千影裏紙鳶斜寒日剛來淑景賒一寸草心三寸雨  
四分春色二分花故人已往經年夢燕子新巢第幾家  
半晌陰晴渾不定綠楊枝上颺黃沙

是日雨沙

將至水陽

此日西風緊遲遲過水陽岸花當面放村柳及肩長夜  
渚猶凝綠朝暎故染黃三年敬亭住渾欲認吾鄉

舟次望敬亭山作

敬亭山色別經時薄薄東風漾雨絲新柳綠藏漁父艇  
小桃紅入水仙祠半生我憶琴高渚一屋人吟謝朓詩  
檢點韶光要行樂長堤已有燕差池

敬亭山房讀書示符孫

讀書窗外浮雲徂今吾已復非故吾雖然老至尙不倦  
日課一卷攜一壺沉思忽復入皇古雅意倘欲追先儒  
座旁有子性識懦昔爲童子今丈夫七尺已及檐前梧  
六經不熟仍伊唔我家田荒惟有書吉金樂石堆滿厨  
汝不努力胡爲乎心堅力猛氣欲麤落筆始有神攬扶  
要探虎穴得虎子何止僅攬驪龍珠隨肩旣自有羯末  
謂胙孫 繞膝况復生於菟符孫去歲 爾不見敬亭山色  
爾孫

韓家符

北樓人坐

欲避笙歌席高齋坐片時  
菜花黃盡處風力颺游絲  
我面山樓坐山花入望遲  
豈知山上鵲看我亦多時

廿六日偕胡孝廉世琦宋文學佳士自春歸臺上城至  
悠然亭一路桃李盛開遂至南樓茶話乃返

城頭一晌度東風  
城裏桃花城外紅  
猶幸米囊開似雪  
尙隨釵李艷晴空

曲曲窗扉面面開  
東風無力捲花回  
一雙燕翦千絲雨  
入夢經旬並不來

時望雨甚急

人隨蝴蝶蝶隨花  
都到城東賣酒家  
偏有鴉鳩聲兩兩  
靜從樓角訴年華

城東小史劇多情  
喉轉先于出谷鶯

時宋君攜歌者至

正好四

更殘月出踏歌聲裏送人行

是日宴孝廉寓齋夜過半乃回

寒食前一日夜坐

十丈游絲接欄花不出城好春惟二月望雨到三更露  
鵲飛無影風鳶墜有聲奚僮忽私語插柳趁天明  
清明日雨飲戴教諭大昌宅

驟覺風棱軟因知地氣蘇花光環列雉雨色上浮圖令

節先蒸餅

婺源俗如此戴卽縣人

芳春尙擁鑪未嫌歸路黑燈火

出神廚

板橋道中

謝元暉有出新林浦向板橋詩土人傳云卽此非也新林浦板橋皆在江甯縣南境

林梢屋角門春華長板橋南十數家聊當六朝金粉看

菜花黃襯米囊花

平鋪十里艷初陽桃李爭輸菜甲香一種黃金好顏色  
秋黃不愛愛春黃

過港口鎮

山徑欲盡先飛煙無數麥隴黏青天季春花事已七八  
剩有墻角山桃妍斜陽厚處春陰薄青翠一峰驢背落  
邪行數里不見人澗水中間響牛鐸

抵山門洞

離山忽入山山勢盡東捍一門天半落雲白作雙扇晴  
光輸万斛石竅出無算峰峰此歸東石石卽厓岸乾坤  
疑重開日月復叠綯迂回通水脈寥廓抵山縣前行徑  
稍坦立石作山案高空調玉燭光景長不斷玲瓏羣洞

好曲若蚌珠貫僧房嵌其下面面山色換屋後路復又  
千家爨煙亂

靈巖寺

山房何巖寒樓上露珠瀉忘言堪悟對老衲已先啞衣  
鉢渺無傳孤僧百間厦

寺樓閣甚廣而祇一僧

紫雲洞

一名瞿礪石室

危厓作仰塵其下列深金攀梯升曲折已有洞雲吐欲  
采黃金丹先從釜中煮

朝陽洞

旁卽夕陽洞

天生向背厓駐此朝暮景仍疑三足烏常棲此山頂夜  
半留餘輝盤空照前嶺



連漪洞

一掌擎十里人向掌隙行中藏千尺潭波響會無停山  
空月午時應有神虬鳴

明心洞

十步卽曠黑百步泉流侵天眼裂東北正照幽人心山  
鳩穴外啼寥寥成賞音

龍洞

風輪何蕭森中有雨工宅兒童欲攬龍時投一拳石龍  
臥忽已醒潭雲噴空白

花園洞

山僧持木魚勸客步軒舉無端墮深壑口噤不得語直

下千尺泥泠泠雜花雨

避世莽

已無避世人甯有避人谷或者智井深時愁怪龍伏地  
肺倘可通稍南卽天目

水仙宮

茲巖石偏奇嫩若乳初結應爲山叟居偏成水仙穴夕  
照忽下灘山雲洞中熱

碧雲洞

贖阮欲升高偈仄已入竇一燈繩忽墜人影恍居後百  
步塞不通天光地中透

山門洞久坐

不種桃花不避秦距城卅里號通津寬疑典午瓜分縣

密訝宏農豆撒人兩地煙雲穿脇近

與三天洞最近

此間即壑

賞心眞瞿劬去後無消息留得三株作化身

洞有瞿劬樹一本三

株相傳爲瞿劬手植

三月三日山門洞修禊贈胡孝廉世琦

匝地花光紫山青水蔚藍洞天分六六稷日恰三三鳥

轉雲生井人歸月在擔袂除應有賦逸少爾何慙

文脊峯訪瞿劬墓

五里來文脊形同陸地船穴曾堆紫艷穿腹出清泉開

士肩雙刹高人寡一椽

舊瞿劬祠反爲僧佛所

惟餘斷碑尺藤薜

已交纏

接梯百尺下入應真洞復從洞中盤折而上則已在山頂矣喜而作此 并引

此山舊稱有七十二洞惟應真洞最奇然前人題詠祇及紫雲等六洞絕無涉此者豈山徑稍僻又幽深靈異非世士所得津逮耶特用表出之又爲後來者前導云

接梯直下三十丈石笋倒生饒異狀洞中曲折行不休天頂已壓行人頭洞中有洞無足異奇在上天先入地危厓偃仄僅得過腹背皆與鋒棱磨聳肩縮首狀奇偉不作真人定奇鬼真人度世鬼攫人變化不測斯爲神君不見貫珠纍纍行不斷入險蛇行出魚貫

靈巖寺夜起

百步路忽折山空夜有光暗中聞屐響蝙蝠掠人忙

文脊峯望柏硯山

南爲柏硯北敬亭一縣界畫何分明中間高阜復千百  
下者爲田上松柏東溪溪水誰發源穴地腹流天目泉  
君不見中江南江亦屢徙并入吾家北江裏

寄題虎邱懷杜閣

長洲仙宰最風流入汴時時憶虎邱何事世人偏耳食

近虎邱建懷杜仰蘇等閣其實唐詩人子美不營一閣  
等到此與否尙無實據徒以虛名奉之耳

祀黃州

王禹偁爲長洲令有循蹟

培園訪胡孝廉

幽人探山回塞牖八千卷坐臥不出門海棠嬌一院

時

棠盛開

晚歸

東風日日走飛沙無計能收穀雨茶猶有夕陽紅一綫  
帶將星影照桃花

笠澤垂釣圓爲沈博士霑霖

君居湖尾僕湖頭意欲平分萬頃流無奈諸禽偏不管  
水東飛入水西鷗

不教苜蓿入賓筵

君官貧而  
宴客甚豐

興發時沽酒十千一晌東

風落榆莢濛濛飛作沈郎錢

桃花人面映波紅一舸眞凌萬頃風却訝浣紗人尙在

又隨少伯泛吳中

斜陽新月逗雙肩  
笠里船來望若仙  
東海巨鼇如釣得  
更煩纖手爲烹鮮

穀雨前一日至北郭詹秀才韻宅看牡丹卽席賦贈

妹欺勺藥婢玫瑰  
屋角薔薇未敢開  
半畝何時在家看

余家牡丹有十數種  
惜花時皆不在家

萬花從爾殿春回  
游絲宛轉留香

住圓魄分明如影來  
誰識敬亭山色裏  
一隅藏此好池臺

是日晚章秀才承枋復約至綺園看牡丹并留飲花下

作

滿闌紅紫盡舒芽  
約客來烹穀雨茶  
洛下千金買春色

江南十日賞名花奇香座上勾人夢圓影天邊門月華  
正是萬方皆待澤喜看激電布平沙  
時望雨甚切三鼓後忽得雨半寸  
雨中至北郭天甯寺看牡丹

陟險尋幽我尙堪名香偏在霧中探五風十雨江南路  
萬紫千紅郭外菴金翦帶煙光乍碎玉盤承露色逾酣  
何妨更醉宣州酒乘興來同彌勒龕

董博士玲招飲牡丹花下時花中有白色一種尤佳因  
率呈一律

後起居然領衆芳別開本色更非常三霄雨露承青帝  
一朵芬菲號素王西漢玉盤名士賦南朝金粉美人粧  
石闌干外春如海牽惹遊絲百尺長



培園看牡丹

可堪不雨度芳辰無恙丰裁尙出塵十里散香蘇地脈  
萬花低首避天人到來鶯燕皆生戀開後樓臺已餞春  
絕憶淨名湖畔路 御爐香重酒溫醅

聞北樓下牡丹盛開東宋秀才佳士一首

宋曾約花時  
譙客

問訊花期日幾回昨宵絲雨潤蒼苔內家自合藏金屋  
新詠先宜號玉臺萬里憶從西海看

伊犁惟總統將軍  
解有牡丹一叢

數叢今向北樓開陵陽此會羣仙羨可要琴高跨鯉來  
沈博士霑霖屨中牡丹極盛聞卽日欲招客相賞先東

一篇

留春無計醉厭厭入座先教別緒添小院風光尤綺麗

大方顏色自莊嚴隨來玉斗光疑碎嗅處金莖露遜甜  
誰識護花天氣好濃陰日日滿珠簾

十五日風箏臺望隔院牡丹

宋玉東牆界不分遞來花氣忽氤氳闌干四面圍紅玉  
樓閣三層入紫雲艷極竟同人面賭香濃仍借日華熏  
風箏臺上當年夢猶是殷勤望鄂君

是日晚趙秀才基招飲牡丹花下

石鼓東西八尺亭如盤入座更娉婷風光招客酒盈盃  
富貴逼人花滿庭枝上萬重鋪畫錦瓣中五色現華星  
殘春百事居然足只向稽山望雨零

時久旱望雨傳稽  
亭山有兩龍爰及

之

復至風箏臺看牡丹

不放花前酒盞空，看花日日換西東。  
三層綺夢衝雲上，一朵圓光滿鏡中。  
人定影驚當檻月，將開香度隔溪風。  
卅年爲爾增惆悵，艇子烏篷繫玉驄。

早起友人以折枝牡丹見贈復成一律

知道尋芳興已慵，折來偏喜日華籠。  
開當大地春光滿，艷覺層霄雨露濃。  
長袖暗熏香細細，曲闌低護影重重。  
閒中一事關心久，且把清尊酌玉容。

友人有慕古製三字作號者書此戲之

友姓盧

讀盡天經與地圖，三言真與古人符。  
字奇欲續公純嘏，姓少應增叱伏盧。  
壁上龍蛇驚暑歛，簾前鸚鵡轉名呼。

當時若遇婁東叟采入君家瓠不瓠

讀南齊書

福不虛生禍有胎髀聲腹上響如雷何因面首人三十  
不及須髯褚彥回

金翅飛飛掃故宮崇明新殿草叢叢東昏尚復留遺種  
天道從來曲似弓

友人畫黃白牡丹見贈

細研金粉繪韶光一幅生綃爾許長當畫乍舒千尺錦  
殿春仍與十分香黃金世界留空影白玉池臺寫淡粧  
誰說嬌姿解傾國莊嚴我轉敬花王

喜雨三月廿二日

六十日不雨一雨今傾盆雙溝水驚流鵝鴨已到門豈  
止麥隴蘇潤及枯草根試登春歸臺山雲尙如奔下感  
長吏勤上欽大造恩涇川及宛陵歡喜溢萬村明晨春  
社中焚香具雞豚山農始飽餐泥衣曝朝暎

自題敬亭山下讀書圖

平生好居山至老心不改甯惟切青天亦可眺滄海居  
山復居樓緬然心跡在窗前書萬卷窗外石磊磊陳編  
出疑義藉可問真宰須眉鏡中白自問欲何待倘學衛  
武公還須卅餘載

風箏臺久坐

樓中無燕壘砌下少閒花縱說房檐邃難同富貴家徑

深容鶴若樹密隱蜂衙坐久不成夢軒東月已華

四月朔日與胡孝廉世琦同登祐聖閣望試院青雲樓

有懷舊遊

憶自青雲瞻祐聖今從祐聖望青雲五千里外談遊蹟

余與莊刺史所在青雲樓訂交後三十年來歎離

羣名士半先朝露溘時同在試院者張鳳翔上舍高文

瞿華主簿章學誠進士照孝廉邵晉涵學士吳蘭庭孝廉

黃景仁二尹皆下世好山多被夕陽熏軒窗四面開

千尺他日相思更有君

古艷詞

山北電山南雷空中飛練掣百回宵前風宵後雨門外

落花紅尺許去時月來時燈簾前芳草綠一層香爐高

高六尺許礙妾眉頭不能語君心如堅妾能舉羅帷通  
風不通月况復屏風幾層隔君心如堅妾能越驚沙濛  
濛馬蹄駛千山萬山行不止君心如堅妾能死

僧果仲邀遊大山

四邊嵐翠厚中坐苦驗僧得句居然逸逃名尙未能接  
天臺百級匝地麥三層此日虛堂話山空月似燈

薄晚醉後行山澗中

朱顏壯士慘西日白髮野叟悲餘春鬼桃初花怪鷓集  
神幄半燼妖狐蹲此時此景不沈醉豈待尺五蓬蒿墳  
大山僧寮早起

滿枕黃鸝語幽人睡始醒夢回殘燄紫簾入萬松晴別

榻僕成魔隔窗僧諷經靜中無限好隨意闢林垆

夜過三塔蕩

水綠冥濛山翠肥前村夜色亦微微雙頭榴火出門艷  
六手怪宦穿帳飛北斗帶雲光乍暗南江入海事全非  
似聞新漲溪頭水沒盡唐灣舊釣磯

詠史詩十二首

章華纔輟功乾谿復成臺倘無沿夏斲定爾升天來  
姮娥蟾蜍身王母戴勝首古今好色人贊美不容口  
交若不擇人巽穢籍猖獗太平與廣陵二曲一時絕  
琴操聶政婦史記豫讓妻旣得配烈士名與日月齊  
惟愍元瑜妻不怨仲宣子老瞞忽太息我在不至此



相隔一千載同驚柩有聲柳妃真達識亾者豈重生  
長日與短夏長年與短期人生一世間運會苦不齊  
丁儀尚未亾婦作寡婦賦一及黃初年朱門果易素  
縮角承家學無年有以夫誰言梁妙士不及漢童烏  
一斛酒對飲蕭侯共楚王君看三百騎一日救西梁  
奇童請尺組奇女請和戎莫信無稽說妍媸出畫工  
蕭韶同謝晦幕共設青牛荊州猶自可我代郢州羞

更生齋詩續集卷六終

曾孫用勸校刊

更生齋詩續集卷七

陽湖洪亮吉著

五月二十四日抵焦山時望雨甚急卽寄及門于淵

憂旱兼逃暑來尋三詔山久思忘世事先此掩禪關客  
夢閒中結雲陰海上還延回待吾子同聽雨潺潺

舸齋圖爲張郡丞鉉題

一舸作一齋一齋包一切半帆凌星辰雙角貯日月船  
頭日初落船尾月復升三十三重天作舸最上層君前  
好遊山舸恐無所用惟尋九曲溪盪漿抵施鞋

時君將  
遊武夷

山  
明年武夷歸舸上可勒功君成地上仙舟眞水中龍

又題煙波共泛圖

居然一舸有宗風  
葉葉蒲帆細雨中  
既約樵青同蕩漿  
不妨君屈作漁童

岸頭菱芡水中芝  
一一都來惹釣絲  
怪底滿湖雲氣重  
魚龍來聽唱酬詩

眼波凝處水生波  
空裏疑聞款乃歌  
第一要防河鼓妬  
莫教縱棹入天河

與覺燈方丈久坐月波臺望雨

禪房深處作吟窠  
日日山僧載酒過  
風伯雨師謀面少  
海鷗江燕賞心多  
堆胸自覺雲煙足  
懸腕能將鐘鼎摩

覺燈從余學篆  
近日已能懸腕  
便欲與君營麥飯  
不妨咒筭出林阿

移住松寥閣喜張司馬鉉載酒過訪

名山一日居苦復念良友昨發京口書兼求會稽酒千  
頭覓林果雙尾來石首故人今日至餉物無不有仍移  
南寺榻坐對北江口望雨雨不來浮雲變蒼狗

松寥閣夜起

靜欲聽檐漏宵殘不掩關雨聲難破塊風力轉搖山老  
衲夢中魔新詩醉後刪闌干向東折人對白鷗閒

聞吾鄉已得雨喜而有作

昨望圖山外雲濃欲蓋天果然京峴雨移入北江田沛

澤三方異

時揚州鎮江亦皆苦旱

歡聲百里連應知漏湖綠飛到

堞樓前

自然菴久坐時適得伊太守秉綬札却寄一首

夕波亭外夕波流遠景都從一鏡收龍欲欠伸時出水  
樹因拳曲易遮樓宵深尚有穿風燕晴久誰聞喚雨鳩  
滿地秧針裁不得使君宜爲衆生憂

觀音厓晚眺

如何春夏交已覺陵谷改都因三時暘滅却半海水桃  
花洲外望海門一綫落日黃雲昏半林烘晴半林濕蒸  
得蟲蛇樹頭立

江岸晚步

廊長偏覺影輝輝倚徧闌干十二圍一鵲出林呼暮雨  
萬魚噴浪送斜暉挑燈讀史心猶壯隔浦招人手屢揮

半晌小樓涼意重夕帆爭帶濕雲歸

挹江樓贈海峯僧

太常齋日已全虛尙向僧房乞半居莫更分他嬾殘芋  
綠蔬青韭伴黃魚

愛從閣上看回波五度來遊鬢已皤我與山僧苦分謗

周妻何肉累人多

戲調瀛洲僧

三鼓上月波臺

晴江艷作桃花色非日非雲滿天赤東南蟬竦環若宮  
中復百頃霞光紅月波臺上三更立望雨得晴心轉急  
何策起此眠江龍急雨一日傾江東

焦山有懷阮巡撫元兼寄孫兵備星衍山東

持節多年尚黑頭，偶然居里小勾留。  
重開鄭許談經席，別覩隋唐注選樓。  
聖室課徒成後起，蒼生望爾欲先憂。  
廿年兄弟都零落，謂張編修錦芳  
徐州守嵩諸人目斷揚州與兗州。  
月波臺聽天台僧悟清彈琴歌

一僧飄然出空谷，攜得天台石梁瀑飛泉。  
千丈瀉入琴

指下，流水聲泔泔，神龍去今一千載。

琴係唐神龍二年  
製，背鑄玉振二字。

玉振金聲出琴背，琴紋細碎指纖削。  
七尺蒼龍壳初退

大絃濕露么絃風，迎雨欲過滄溟東。  
琴彈一曲續一曲

太古夢欲醒，焦公大聲搖波復搖嶺。  
能使枯僧發深省

瓊臺赤城接太清，歸日彈與天公聽。

王秀才豫攜所選羣雅集過江見質率贈一首

有客攜舟至飄然指海東詩徵蠻嶠外

集中有緬甸國人詩

人老

選樓中天地此清氣谿山饒古風抱琴僧復至應許賞

心同

北固山房訪石雷僧

瓜步濤聲到此回寺門遙對象山開煮茶曉接雲頭露  
破夢春喧石脅雷古佛一軀全點黛枯僧百念總成灰  
原空如燒剛如炙何日江神送雨來

六月初二日登北固山凌雲亭追念舊遊感而有作

凌雲亭旣成多景樓復圮極目海東頭迢迢百餘里圖  
山作案君山闕想見尖山在天末新涼吹衣上切雲可  
惜天南少新月危厓下瞰色已昏數石裂作龍鬬門蒼



然萬仞積黑鐵遠勝互父山無根瓜洲縱近何由見如  
火斜陽壓波面山僧知我欲少休竹裏先開水仙殿沿  
江正演北府兵足底搗鼓聲如霆渚鷗驚向海門去一

點白入三山青浮雲白日眞難待卅載賓朋復誰在

陸

甲午袁兵備鑒宴客于多景樓今在者惟應司訓澧與余二人天上神仙亦白頭蒼松

一一皮皆蛻石帆木末多景樓改名木末又改名石帆名紛紛閱盡世

代留煙雲焦公高臥一千載詎識伐荻新洲人艮山門

外塗如織却取江干大堤直看山已了復看江百頃荷

花好顏色時浴堤荷花盛開

爲友人題陽關送別圖

臨歧莫灑淚潺潺此地稀逢客在還一把宿烽紅似血

妖狐啼上古陽關

長城高與亂山齊故里從今信馬蹄已覺夕陽西面少

烏孫還在夕陽西

陽關門與玉關門

余少日太宜人嘗口授唐人斷句百首

少日傳詩有淚

痕匹馬昨從嘉峪入逐臣孤子倍銷魂

舟抵太平雨過戴學使聯奎留飲白荷池上

一白皆如鷺橫塘半畝花偶然成夜飲相對惜年華篋

展前朝帖

時觀姑熟帖舊搨

賤餘故相麻

懷衮樓下舊有梁文定公柱榜

漫嫌

絲竹宋城上有官蛙

得家書知侍姬鄭氏凶耗

彌留何所道苦憶耶孃老誰識路七千哀哀此愚孝

繭留何所苦但苦兒女孩孤魂諒難安矯首登泉臺  
若人何所長心志最專壹事我十五年無時念巾櫛  
若人何所短哀至卽欲哭黔越本異鄉誰能識衷曲  
夢入所居小樓復賦一首

六十衰翁淚不流獨憐三十未平頭

時鄭年二十九

重來煮茗

焚香地合署遺簪墮珥樓我老羹湯調最潔兒癡衣履  
製偏周沉思一事差餘悔不遣渠僮返本州

姬苦念父母時時雨

泣余憫之擬送歸黔中苦無便而止

### 七夕感事

緡書纔了坐城根瓜果筵前薄霧昏欲向桑田尋妙子  
肯從榆岸望天孫長愁久已非人境短夢何因到鬼門

尚憶殿橋西畔路露涼雲淨爲開樽

余從黔中報滿入都時全家南下惟

姬隨侍

北行

讀北史偶成

劉松製碑銘思道難了了思道既讀書爲文松不曉信  
知學益人飢者待之飽明明愚與智一日互顛倒詞章  
尙如此何況窮理道百事且勿營扃門讀書蚤

倖臣值雩祭喜當見眞龍庸人欲刑人澆手逞厥兇始  
知不學人想出思議中許情祇繁須呼作長鬣公涉學  
旣不深意見多雷同吾慕袁季祖涉歷無不通一卷字  
釋成可配許叔重

消夏十絕句

時校南北史

有鵝欲換書甯取義之媚不學兩道流後先工作僞  
人相扶爲王土相扶爲牆不意尉阿眞亦復通偏傍  
文章有緣起何似撰物祖仍聞奇字多盍作倉頡詁  
青旣可出藍藍亦可出青不見師孔璠轉問弟子經  
光祿作庭誥黃門製家訓一姓南北朝庶幾稱二俊  
我欲呼明月時爲敕勒歌棗枝纔甘束反具抑何多  
傳永年八十自號六十九嬰鑠哉此翁志已可不朽  
庫狄逆作于王周先寫吉文吏慎勿啗彼乃刀作筆  
強于子昇文何必更發誓胸中兵甲多日尙服棘刺  
魏收偷任防邢邵竊休文若欲推邁峭吾欽咨議温

雨急謠

余十歲時隨吾母至城西訪適王氏姑

時姑之夫卒  
吾母往唁

晚值急雨吾母肩輿歸屬親串家嚴嫗偕余步行嫗  
本不識路昏黑中誤行三四里至北郭乃返及抵外  
家雲溪老宅鼓已二下吾母率諸姊尙倚門以待時  
寒氣沁骨冠履盡冰母姊互以衣覆之夜半始甦嚴  
嫗以是中寒不數月卽死今五十年矣回憶母姊煥  
休之景尙若在目今夕坐敬亭山館樓下人定後雷  
電急雨申掌不及見指一如雲谿始歸時念舊感懷  
不覺淚下因作此篇以志明發之慕云爾

天已黑電轉青雨傾盆走不停嫗癡不識途誤走八條  
街雨淋人頭雷逐人踵兒何不歸勞母倚門解兒身上

東生齋詩集卷七  
衣就母懷中溫傷心五十年舊事常在目兒寒兒煖誰  
復知却倚茅檐夜深哭

十八日甚暑舟泊澄江閣下

秋雲紅似火燒此三間閣却買一葉舟來從閣前泊江  
鄉三月旱竹樹亦蕭索村村人意擾預恐歲收薄愁聽  
乾鵲鳴時從屋頭落

發水陽鎮雨

一程天路黑百里水光青魚欲飛煙際禽偏入客扇電  
光隨意掣蘋葉點波馨客唱誰能和聊煩野鷺聽

雨行三十里至烏溪

濛濛百里江罩此一天雨日晚抵烏溪烏溪黑如許樓

臺香難見煙外出人語前行復千步帆重愁不舉已有  
鴻雁聲延回感羈旅

舟泊黃池

敬亭山下雨迢遞到黃池路暗誰人識衾寒獨客知出  
林秋氣重拍枕漏聲遲正欲回殘夢涼蟾逗一絲

舟行過青山

五十年中過幾回雙峯如翦向天開猶憐剩水殘山路  
瘞盡三唐六代才高詠未妨懸日月荒墳應不長蒿萊  
千年俊骨知難朽我欲然犀夜照來

二十一日偕胡孝廉世琦并挈兒子符孫登采石太白

樓



江南山色連江北截浪一山名采石濤頭盡向牛渚回  
激得巖洞聲如雷初登蛾眉亭復上仙人樓此客亦是  
非常流舉酒對坐樓西頭君不見溫驃騎然犀只欲照  
厚地又不見李謫仙舉觴只欲浮青天才人思議誰能  
料九地九天都欲到水仙山鬼皆娉婷曼綠欲鬥蛾眉  
青衫披薜荔襪苔荇來往倏忽同湘靈君不見歷陽湖  
沉冤鬼多四十萬衆思凌波江南山小容不得送爾魂  
魄歸滌和畢竟樊若水何似虞允文一拒北來客一引  
西江人殘唐南宋竟何在令我轉欲思梁陳江流逾窄  
山逾峭山脚盡堪窺與窳新涼趁此風色佳明日聽雨  
來秦淮

三元洞

石腹裂一綫中驚孕枯僧人行腹上頭已有龍氣蒸山  
雲接水雲自此始上升有時拜浪豚高瞰樓三層蒲團  
坐經時所見得未曾歸路欲少休扶此石罅藤盤盤青  
雲梯鼓勇仍先登

自板橋泛舟至青溪感舊

三十三年鴻爪痕

余自甲午應試至白門三十三年矣

板橋南去萬花村

山松園裏時聯句

謂袁大令枚

水竹軒前對舉樽

與黃二尹景仁寓東

花園剩有冷香燒柏葉絕無情劫問桃根茫茫六代江山

裏葬盡詩魂與酒魂

三十年前舊友十無一在是以云

將挂帆北歸復約胡孝廉世琦莊上舍軫姚椿趙學彭

顧翰姚捷四秀才莫愁湖小集率賦一篇爲別

內長干北手將分尙有餘閒付薄醺地迥乍開名士讌  
天空都幻美人雲全收海上魚龍氣錯認湖頭鵝鶴軍  
三百年來棋局冷小樓猶復帶斜曛

聞汪郡丞端光訃爲位哭之并賦二首後知誤傳而詩  
已寄去因而不削

七尺軀何偏含萬古憂事徵新樂府官僅古蠻州天  
上愁難寄人前哭未休三汪君最壽明經中太學錄與君稱三汪惟君年

至六  
甲子乍能周

郎君都領解老子始顏開

君十上春官不第前歲兩郎君同舉京兆試次君復聯捷

入翰

畢竟百僚底沈埋一代才遇同昭諫塞賦比子山

哀天亦零愁雨江南色死灰

復得二律

南荒薄宦說三遷

君連攝同知通判及三府事

西海歸人已八年九

日正欣風雨集

余庚申九月七日自戍所歸里甫二日君即赴任廣西迂道過訪

一樽

長判死生筵心期不逐時今古蹤迹會同路萬千腸斷  
菊花籬畔飲哭君仍在此花前

斷綠零紅盡可傷故交亡後故姬殤何妨楚些歌三疊  
算抵浮生夢幾場西望最憐雲黯慘南歸愁見月昏黃  
招魂續魄都閒事且向風前進一觴

泊舟江口三日

三百舟同雁字排半程先已隔秦淮舵樓兩夕縈清夢

燕子磯南十字街

泊舟處距磯  
尚六七里

欲趁空江月露微  
石尤風緊宿危磯  
但須幾點雲頭雨  
惹得鷗鷺拍岸飛

炎暑

炎暑尙未退時時欲追涼  
何因流火月蟋蟀已在牀  
沈沈紅蓼花時點螢火光  
屈指節序遷開篋求衣裳  
頗感侍側人昨病今已亾  
孤懸匏瓜星照此織女房  
他時砧杵聲令我心徬徨

江行

五色霞紋好時看  
紫翠零真如女媧石  
一一補天青  
萬綠冥濛內朝暎  
一綫紅譙公山不見海霧縹三重

曙華臺八月十二日坐雨

城北原南日已曛  
雨絲偏欲灑鴉羣  
憑誰畫取昏黃景  
濃墨天光淡墨雲

中秋日曙華臺獨飲醉歌

蟪蛄弔客啼清露  
天上人間事無數  
惟有樓頭酒一杯  
酒魂喝月空中住  
連宵急雨今始收  
意外復得晴中秋  
樓頭人去已三月  
月采故向空房流  
曙華臺邊月初出  
照到夜臺應幾刻  
魂孤魄冷不得眠  
望我樓上宵開筵  
十六日同人檣舟亭訪桂并飲花下

黃雀未登俎黃魚先滿盤  
芋魁菱角間梨栗餅與明月  
同團樂檣舟亭前花色絳  
香氣籠舟復籠巷城東風日

清且妍一城人盡來花前看花人多酒人少日把金尊  
藉芳草辛夷醉後醉木犀玉局堂前玉山倒城頭暝色  
僕馬催窺客共向僧龕來花窗人面疊升降露砌鳴脚  
時表回此時一杯復一杯圓月影向波心開前宵初涼  
此宵熱急雨更當飛十七明朝泥滑不出城留醉更生  
齋畔月

題虎邱倉頡廟圖

一片生公石先疑造宇臺八州稱地勝四日向天開柱

訝寒門勒

溫都斯坦有石柱上勒寒門  
二字相傳爲倉頡公所書

堂應沮頌陪千

秋崇廟食留配秣陵隈

江甯雨花臺  
有倉公祠

偕趙表弟懷玉球玉近園訪桂并飲花下作卽呈近園

主人

得月軒前路尋常作酒場偶然攜短趙復此悼三楊

謂楊

大令倫  
昆季

白玉團秋露黃金挺異香因君池館美令我憶

橫塘

青山莊煙雨橫塘  
尤擅叩壑之勝

跋明鄒忠介手書所製趙文毅傳後爲文毅七世孫同  
鈺秀才作

元老心肝死明廷血肉飛兩公明大義一疏蹈危機獨  
鼓無前氣同披短後衣至今泉下夢猶是繞綸扉

過言子巷

古風真未遠一卷尙絃歌不是東南彥誰開文學科世  
傳千禩速海近五雲多欲謁先生墓慙由曲徑過



東生齋詩集卷十  
三十一  
破山寺

茲菴名破山石破雲亦破石裂出一泉曾經老龍過丹  
樨三百樹天上異香墮聽泉兼撫桂靜向門隙坐食竹  
亦得肥林梢竹雞大

拂水巖

陽厓旣已傾陰壑亦漸改惟留蒙密樹秋雨暗如鬼沈  
思百年上侈此池館美甯惟玷朝籍兼辱雲與水念及  
華子魚臨流發三嘅

劍門

萬石積一厓中劣僅通谷巉巖相湊處彼此厲鋒鏃蒙  
蒙青氣而天已成劍積仍愁巖壑暗別豁天雨目

謂東  
西雨

湖  
欲究海上奇紆行入厓腹

吾谷

千株松折屨十樹柏拉項何時生道左作此送迎狀伊  
惟巖壑勝悼歎昔人葬冥冥楓柏赤作此屋頭障紅始  
梁一分先同夕陽抗

自城北登虞山日晚始抵城西

我從城北來城西正中日影已漸低琴川七道響如箭  
日月湖好分東西言游夷仲兩高臥冢柏高與浮雲齊  
何應尙父亦來此世去已遠愁無稽東皇里接太伯冢  
一縣已判東西姬澹臺南游亦曾到吾道東矣嗟宣尼  
奔車我已愧伯夷撫劍切莫談要離千年遺事若轉瞬

海色黯慘山低迷人行深竹苦寥宗怪鵲飛上山坡啼  
吳卓信文學出所補三國表見示并同遊虞山率贈一

篇

九疊龍山四面遮爾姬家共我姬家

古老相傳周封太伯于吳以梅里以

東爲爾姬家至我姬家則周人自謂也

途分姑蔑東西遠表補黃初歲月

除勝地未妨按蠹簡

時張上舍海鵬出新刊吳地記見示

幽巖仍與報蜂

衙遙憐一片東湖水松影溪光似若耶

長真閣贈孫吉士原湘

我到長真閣仍披短後衣酒容添桂馥詩老遜松肥雨

過千巖爽年衰百事非

三十年前舊友無一存者

惟祈賞心處爲我

築漁磯

自崑山至嘉興道中

飽食虞山鴨難烹笠澤魚靜縉吳地記間過陸家墟水  
白穿淞泖雲紅接闔閩語見鄉已近煙雨眺清虛

李太守賡共邀遊煙雨樓卽席賦贈

龍華會上說齊年賢守開樽讌謫仙氣煖尙疑春似夏  
天空都覺雨如煙半生斷梗隨行跡九月疎花抱客肩  
應是使君清興永夜闌更鼓動離筵

嘉興懷古

飽看虞山萬樹楓秀州城外趁帆風功名蠶種成何事  
壇坵王朱竟孰工蠅螻下垂天乍暝死央飛盡水連空  
漁童拍手樵青唱收拾煙霞入釣筒

初六日早渡錢唐江

凌晨翦空江一塔耀初日微微丹輝香冒此半塘出新  
涼滄海上帆影挂清切仍因雲慘淡致釀雨淒瑟一响  
南屏鐘聲從樹頭沒

蕭山偕同年王進士宗炎登北榦山久憩松風古院

稍離市廛囂白鴿導前路言升北榦嶺已遠西興渡沿

回此江水去海祇千步竹柏皆有田殊堪愜心素攀援

松樹頂尙有隔宵露溽暑苦未除是日甚熱僧房久延仁

初七日自觀巷放舟訪陳博士石麟卽同出郭至快閣

清晨檐漏停十里水雲濕濛濛放扁舟未欲攜蠟屐紆

回穿瑣巷訪友市橋急嵐光方欲逗暝色已追及一隊

出郭鵝斜陽影中立

快閣追悼謝太守肇洙

三面窗櫺絲雨浮依然秋水接天流  
仲翔死後蒼蠅甲不及先生有白鷗

誰憐三載客重來一徑青松掩綠苔  
依舊半樓新月影夜涼空掉酒船回

小雲棲訪廣持僧不值

空腔老樹欲留客行脚道人先出門  
天黑欲浮菡萏雨地幽真擬曲江村

寺前湖水灣絕似西安曲江村風景

投荒居士偶來此

沿海詩僧幾輩存

昨在西湖湛谷小顯二僧皆以詩見質

飽啖鏡湖菱百

角不妨終日坐雲根

陳博士石麟濯足扶桑圖

欲覓仙人濯足方，落棠屬我爾扶桑。  
尤驚世外煙波濶，轉訝閒中歲月忙。  
出海五雲然似火，浴披十日沸乎湯。  
微寒沁入天河水，不覺銀光徹骨涼。

偕陳石麟博士廣持上人暨諸同人遊石屋寺二首

香爐峰底路九折，復入折一泉纔已渡。  
又見一泉出流青，頻礙帽飛瀑時噴鼻。  
林風篩蝶粉，巖雨潤蜂蜜。  
頰光傾木杪，寒氣生石骨。  
精藍排東西，壑谷歷切突。  
矯首望後來時從石亭歇。

一屋貯一佛，佛已無地容。  
爐烟裊如絲，抱此香爐峰。  
延回升層臺，天遠水亦空。  
遙山裂東南，雲樹復百重。  
甯止

青氣周生翠流不窮冥冥一谷烟已把樵子對石牀何  
高寒早絕禽鳥蹤與佛共坐忘久久聞齋鐘

天池歌示陳秀才鴻熙

我尋天池源當在天河中藉此日月光呼吸自可通昔  
居天池生今屬鳳池客君家兄弟皆不凡日向喬林修  
羽翮秋花下映秋池邊飛魚一雙欲上天池中夜半月  
初出往往來浴秦時仙主人愛水日頻倒三面高樓復  
環抱開窗看水水色空容我臨流一長嘯

題周學士長發道照

才名我本愧三洪視草尤慙周益公今日卷中尋舊跡  
風裁先喜覲髯翁



彙筆時趨香案邊，偶然落紙盡雲煙。萬言誰比枚臯捷。

只有南華第二篇。

學士詩文敏速，與張南華  
詹事號二髯，又稱雙絕。

世德堂前瑞露滋，五株金粟豔當時。鑿坡世澤真能繼。

又值卽君折桂時。

學士會孫達吉有文譽，  
明日將揭曉矣，用及之。

重九日放舟至錢清江，高秀才第留飲賦贈一篇。

把臂真憐識面遲，廿年頻過習家池。

余十年前過此，  
卽知秀才能詩。重

經萬七千餘里，始讀高三十五詩。青筋綠篔，追往事。

君配

孫氏亦  
能詩。

金童玉女豔當時，中卽亭外重陽好。四面雲山

酒一卮。

舟行錢清江甚雨。

欲向雲門寺裏遊，渡江先此小勾留。嫩晴兩日登山屐。

急雨三時下，瀨舟帆與野鷗爭。泊岸客隨征雁偶，登樓

黃花籬下無消息。拭目東南起遠愁。

時甯波尚  
有洋匪

### 柳城橋登高

一村四面水迢迢，古塔先經劫火燒。却恨遠山皆十里，  
柳城橋上小登高。

### 廣持僧以憩宋圖索題

已久安禪宋東坡，居士知未能忘綺語法。秀道人嗤悟  
徹色香味工兼書畫詩披圖見松影，憩我亦多時。

### 金鼓洞訪倪上舍稻孫值道士留飲

石林既生煙，金奏已輟響。寥寥爨火紅，斜衝白雲上。道  
人能釀酒邀客坐，秋爽倪生書畫癖。時有雲際想，  
時上舍欲

棄家爲道士，余與同人力挽之。  
餐芝纔一月，頗復厭吾黨。我行思挽駕，擊以赤藤杖。老雀忽若驚，穿林亦孤往。

南屏訪小顛僧，卽同至湖上薄醉。

小顛實顛僧，頗復厭蔬素。齋厨三日淡，對客噉然怒。素心吳與項，時爲致乾脯。堆盤雖大嚼，把盞僅中戶。昨宵湖上飲，醉倒已無數。徑買一艇歸，孤眠白如鷺。

飲城隍山高真觀，夜歸卽贈項州倅壻。  
時寓項宅

高真虛閣敞玲瓏，三面居然入望中。半嶺斜陽半湖水，一城暝色一江風。曲屏偶與黃壚隔，古井偏驚碧海通。莫訝夜歸程七里，茅庵時借佛燈紅。

秋盡

秋盡江干雲水溫  
幽人家近傍山根  
潮平月落闌窗望  
已有載花船到門

哭徐刺史書受

時靈觀甫歸里

幾年消息盼歸輿  
薄宦緣知橐久虛  
筆陣已堪追二李  
門風真可號三徐

君與從兄太守大裕族弟刺史錄慶皆有詩名時亦稱三徐

難忘

舊事中州集

君與諸同人及余有中州唱酬集

苦憶平生下澤車  
今日

哭君情最慘故交羣  
從盡邱墟

謂董州守熙昆仲楊大令倫諸人暨君兄弟日

癸日桂日杏諸人

自蜀山抵烏溪

萬頃靈湖雨飛來  
南岳巔四更微有霰  
一氣散成煙疊  
港收斜月重衾隔  
夢年夜烏啼未已  
愁絕客難眠

宿烏溪

一夜烏溪宿寥寥聽轉更露濃雲轉淡魂斷魄初生

醉歌

時宿宜興郭外

我昔謫昆侖邛美人望我西海頭日落不落先含愁我  
昔泛滄海舟美人期我東海頭初日未出先登樓我會  
攬三山我曾浮四瀆逾期而不歸美人兩兩兮爲余哭  
我今遊兮海虞山飄然往兮默爾還誰復與我歌刀環  
我今遊兮越江曲早潮初平暮潮續誰復金錢爲余卜  
甯隔萬仞山莫隔一寸棹隔此一寸棹永無覩面期甯  
阻千重洋莫阻一層土阻此一層土與爾睽違極終古  
望夫無山望婦有灘大婦小婦兮邛壠同彎環不見善

權洞洞外松楸悉成冢，莫歌無聲兮先欲慟。又不見祝  
英臺臺外三尺皆蒿萊，飲酒不樂，令心哀。烏呼嵩華爛  
滄溟枯，此時與君得見無噫吁嘻。天長兮地久，我倘思  
君兮不朽。

憫災

三十四州內奇荒，只數州。

今歲江浙三省皆旱荒而淮揚常鎮四府爲尤甚此

方當孔道，民氣獨含愁。靜覺萍蓬轉，貧無籽粒收。自慙  
難補救，空抱杞人憂。

四安鎮

兩地舟車集，人囂市語喧。最憐今孔道，或卽古南江。白  
菜朝趨市，紅雲夜染窗。漫言流已斷，空際響淙淙。

道中所見

一庵支絕壑三面塞荆榛時有太古夢應知出世人白  
雲生靜牖黃葉裏閒身隔岸便多事勞勞起麴塵

廣德州濯纓橋

片帆昨趁朔風飄目斷靈湖百里遙已覺麴塵生袖底  
半時愁過濯纓橋

蟲聲

已識百蟲性時時傍砌聽雨浮三徑白月界半天青侍  
女花空豔王孫草不馨吟魂究何在墻黑霧冥冥

山徑晚步

秋聲不遣過溪橋幾日風寒木盡凋望裏縱教天路近

白鷗無夢到雲霄

冬日寓興

嚴霜入山骨一夜千林空山形雖至剛柔能入其中志  
節非敢摧奈值節氣終君子于小人時亦示有容庶幾  
不滯疑推遷乃無窮

一巢千年松十日飛不落誰能奈高寒伊惟此孤雀猶  
欣毛羽厚未畏霜霰薄皚皚雖滿前難逾百重壑君看  
籬下鷄自詡今有託育子亦已勞驚心火燎幕

三冬無春容賴此萬紅葉甯知不逾瞬豔色亦遭劫回  
皇三里內影已失胡蝶氣數難與爭飄零踵相接幽人  
北窗臥一夜響重疊曉起望亦驚高空排雉堞



今年歲序荒赤地乃逾半澄江一條水涸出南北岸螟  
蟲災復繼何止夏秋旱哀鳴感蜚鴻太甚詠雲漢貧家  
柴一束價已至無算稍喜落葉多堪供夜吟案

一氣

一氣之中候復差水仙開後忽山茶無心久比空腔樹  
有幹終殊沒骨花未覺後時輸竹柏不妨異種類蓬麻  
冬窮臘斷君須記莫向春前訝歲華

天竹

纍纍秋實動須扶迥異人間十八姝閱世旣深欽碩果  
看花到盡得明珠三時始覺朱顏綻一斛誰將紅淚輸  
連夕海南風信緊錯疑蛟國欲催租

螢火

慣點紅窗六曲屏  
暗飛先繞綠莎廳  
光來冊府搜奇字  
影入天河混小星  
電火掣時應暫息  
雷塘荒後感重經  
浮生變化真難定  
轉眼楊花亦作萍

蠟梅

孤高不耐入濃春  
染盡冰霜未染塵  
三友齋中先挺節  
百花叢裏後凋身  
素心詎愧忘年侶  
黃幘終疑入道人  
悟徹舊歡同嚼蠟  
許從窗外久橫陳

蒼蠅

觸屏縈帳日千回  
一物爭傳出敗灰  
但使后妃能自儆  
無須宰相問從來  
三更白汗揮成雨  
六月朱門響若雷

真學廉公善遺矢肉中蟲已暗胚胎

詹明經聖春以天寒翠袖薄二句繪圖寓已寥落之意

屬題二絕

一郡千家僅此儒窗前帶草亦齊舒要同秋樹根頭例  
日日扃門讀異書

日暮天寒景逼真幾時乞得畫中身須髯似戟緣何事  
却倚修篁學美人

金陵懷古十二首和胡孝廉世琦

面面煙巒曲曲池笙歌盈屋酒盈卮新詩玉樹開金縷  
韻事桃根迄柳枝城闕易成偏霸地江山剛稱夕陽時  
閒從九級浮圖望六代風光影一絲

長干飛絮復飛沙到客畱心記歲華王謝事難瞞舊燕  
齊梁朝已變空花惜無錦陌堪攜酒剩有閒坊可鬥茶  
誰似故侯能憶友新涼先餉綠沈瓜

一半塵埋錦繡堆梁間燕過亦裴回萬枝燈外千秋屢  
丁字簾前甲第開終古未醒樓上夢到今猶剩劫前灰  
茫茫八代歸何處畱得荒城畫角哀

季漢殘唐七百年鍾山王氣果綿延猶餘舊內零星地  
想見新愁落月邊響憶墮釵逸客聽步因刻襪得人憐  
臨春結綺皆消歇并畔胭脂色愈鮮

琅邪古郡逼龍潭如夢江山屢駐驂北府曾聞起劉裕  
西州何處覓羊曇才人豔曲春燈謎逸客哀吟秋雨龕

三復桓公腸斷句樹猶如此我何堪

石城虎踞復龍蟠不值先生冷眼看但使耿仙雷指爪  
何須叔寶有心肝午鐘已隕遊仙郭夜讌誰窺狎客韓  
畢竟舊時金粉地清涼山月倍清寒

一桁青山六代宮興亡都在水聲中杯深尙浸前朝月  
樓小難禁昨夜風眞主幾時浮渡馬小人何處辨沙蟲  
新亭西望誠多事不敵江流總向東

無處池臺不館娃銷金窟是古秦淮三層樓接雙文宅  
一曲谿藏十字街高樹隊中防礙髻小桃花底備兜鞋  
沿門蛺蝶多情甚故趁東風上玉釵

開徧槐花舉子忙沿街曲曲轉長廊香生狎客題箋巷

塵起官家賭越岡，攜屐慣穿通德里。繙書先到大功坊。

今布政司街卽明大功坊也。秋試時書估皆集于此。永甯泉水尤堪品，已有園南

芋栗嘗。

谷號流觴澗響琴，風光處處耐幽尋。內人北去青衫濕，  
小史南歸白髮侵。空笑沈三畱聚寶，何曾秦始肯埋金。  
澄心堂紙庭珪墨，只寫淒涼亾國音。

淮流縱復接江潮，不及青溪水色嬌。幾日暖風陳百戲，  
四更涼月走三橋。閒中池館悠揚笛，夢後樓臺宛轉簫。  
屈指好天將造榜，一行新雁趁歸橈。

項羽重瞳局總輸，湘東一目竟何如。翻因谷變陵遷日，  
轉意兄肥弟瘦書。三國赤烏難再見，六宮黑青未全除。

西山一片朝來爽，畧遣幽人倦眼舒。

諱曰

三十年成世兒孤，一世餘最憐。今夢寐猶繞舊門閭，松

柏墳應古蓬蒿宅已墟。

典隆里舊宅今已圮

趨庭真不遠地下侍

親廬

志事將竣欲別宣城率賦二篇

兩年久住秦箏閣，閣上秦箏杳不聞。夜半敬亭山月上，  
時時新鬼哭秋墳。

誰人載酒辯遺經，枉築城西問字亭。只有一篇窮鳥賦，

半程相送眼偏青。

甯國縣趙生基家極貧而頗向學，瀕行相送獨遠。

南湖卽事

曲港誰人打水圍南湖初日漾晴暉心驚歲晚風光暖  
楊柳全青客已歸

最憐烏柏及丹楓不入東風桃李叢却爲一春顏色淡  
歲寒偏與十分紅

蠡河感事

此身餘此恨恨尙繞通津行作稽山土虛慕洛水神絮  
花空有影羅襪淨無塵欲續驚鴻賦春非昔日春

王明經祖昌自新城二千里以詩見質率贈一首

二千里外片帆遲訪我柴門歲暮時歷盡九州山水窟  
吟成一卷性情詩唐衢似爲生靈哭王濟猶嫌臣叔癡  
西望關河冰霰少塞鴻歸計尙須遲



榆無皮歌

榆之皮兮云以療飢嗟榆之皮不足以飽烏乎人飢難  
充木先槁昨日嚴霜路旁倒

蘆無根歌

蘆之根兮云以給殮嗟蘆之根不果人腹烏乎蘆花茫  
茫兮空滿目明歲哀鴻欲何宿

營田廟賑局得暇校竟亾友錢大令維喬詩感賦二律  
滿目哀鴻苦民生漸不支兩年懷舊淚一卷斬新詩鄭  
俠圖空繪唐衢哭亦癡最憐原野赤宿草亦難滋

舊友雲溪上黃錢管最賢眼皆高一世曾已擅千年地  
下詩成國人前句欲仙此身慙後死者舊尙重編

惠山山樓卽事

水國忽無水山樓不見山蒼茫攜客棹寥落訪禪關以  
此三方旱難謀一昔閒惟應潭上水照我鬢全班  
乍覺天光斂重陰雪未飄更攜居士屨來訪伯通橋一  
世誰先識孤生愧後凋酒闌燈炷處寒意入詩瓢

品第二泉

一酌天宇白再酌雲光元三酌盤四酌陶然復陶然泉  
水日以潔我心日以憂願此一勺泉直接滄海頭化爲  
天半雲飛酒東南州歲宴縱不豐庶幾麥有秋

張局二生行贈高星紫瞿溶兩秀才

高生乍展療飢術卅萬人從筆端活瞿生復檢續命方

腕底奕奕生春光君不見冬窮氣暖猶流汗日昨官河  
已先斷連廩何止米價昂飲水都復成泥漿三秋不雨  
三田白日午黃塵益如織閒心檢點豆黍苗何止無禾  
恐無麥愆陽不已將愆陰感召一丁由人心周宣既製  
憫旱什杜安倘有憂時嗟

九重詔下真寬厚加意災黎及春首已看四野散騰黃  
復見糧舟截江口一方所幸守宰賢爲衆禱雨祈豐年  
連宵地脈頓蘇潤滕六昨已飛檐前諸君旣爲民命請  
瑞雪先從寸衷迸沉思天譴何以頻俗薄先祈自修省  
我爲二生詩聊抵春陵行元之號作救時相始亦不過  
貧諸生二生二生努力矢厥誠始慎終怠將無成

喜雨詩 十二月二十一日

嘉平月下旬檐漏忽奔突一寸二寸多千村萬村活  
沉思蘊隆象已逮三百日朱門食肉者半作道旁骨  
飢寒剝膚慘又恐成疾疫三州牧民吏補救苦無術  
感此造物仁殞霖歲將末濃陰三日徧始復致滂  
濔赤眚天上收青針地中出神漿旣飄盪地脈始  
疎發雨師風伯奮無更苦旱魃濛濛仍不已定補  
臘頭雪茅舍傾一樽聊爲萬民悅

二十六日文昌閣偕縣侯放賑詩

凌晨入廟門香燼尙未冷伊誰相晤對植立一銀杏  
經旬三次雨民已萬千幸縣宰遲未來飢民久延頸  
虛疲

縱闌入何忍更施槌泥塗及流潦老弱盡扶縷提攜  
及病衣敗不獲整因茲天譴厚戒諭各修警日午人始  
闌虛堂逗晴景却忍半日飢吾心亦先省

小除日卷施閣祭詩

賈尉詩名盛黃金鑄此身可知無佛處或有謫仙人與  
爾千秋隔憐余萬首新高寒一杯酒聊可奠心神

今歲新詩少年除三百篇到家誰與偶出路不盈干今歲

欲至雁宕亦未果海濶難通雁海內故人至年除間有候問今歲則絕無河枯不擊

鮮惟應梅信早索笑向檐前

祭詩後與兒孫飲屠蘇酒戲作

今年祭先生不復讌新客惟因斟屠蘇先與幼兒食

孫年四歲母已死生隔三更聞啼呼夢見母顏色昨孫  
年十一少卽有性識歆斜書小篆時復露戈戟小魁年  
十四頗復肆頑劣近稍知對偶粗可就程尺符孫年最  
長經史亦涉厯惟成文一幅紙必數番摩謂茲爲肖子  
我已愧先德謂此盡不才家或尙能克西鄰有衰變年  
已七旬偏半生疲道路老尙艱謂蔣表我雖慙五  
柳尙有子可責無云年歲儉近已布露露臺前曝濕薪  
厨下溲餘麥祖孫三五輩日昃聊自適誰餉堯一肩剛  
逢小除夕

除夕作

殘臘猶餘瑞雪浮年光驚與水同流三生夢裏雙紅燭

十載愁中半白頭  
此境最宜平日酒  
幾時同泛五湖舟  
衰齡耕鑿無他願  
祇望平田麥有收

更生齋詩續集卷七終

曾孫用勲校栞